



UNIVERSITÄTS-  
BIBLIOTHEK  
PADERBORN

**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Cap. 6. Nauta naui amissa, B. Virginis ope sernatur.

---

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

equo corruit præceps. Sed in ipso periculo memor B. Virginis Lauretanæ, quam ante adierat, eam lacrymabundus implorat. Adfuit ruenti B. Maria, & præsentem strenue opem tulit. Itaque ille, etsi ad imam vsque vallem deuolutus, tamen sine vlo grauiore incommodo surgit: & erat altitudo rupis vnde exciderat, passuum circiter quadraginta, ne quis eam rem miraculo eximeret. Parem in pari periculo B. Virginis opem expertus est Iosephus a Motte Feltrio. hic edita concenderat turrim ea mente, vt ibi statueret trabem. Cæterū vestigio fallente delapsus ferebatur præceps. Ibi tum Virginem Lauretanam inuocans extemplo visus sibi cælesti quadam vi, & quasi manu sustineri, ac paulatim sine molestia, periculoque demitti. Igitur solum attigit integris non solum membris, sed etiam sensibus. Illud autem admirabilius. Augustinus Cremensis Catari erat in Vrbe Dalmatiæ an. M.D.LXIII. Iunio in eunte, quo tempore ingens terræmotus bonam vrbis partem hausit, stravit: & Franciscum Priulum Prætorem vrbis cum vniuersa familia oppressit, haud miserabilis magis, quam memorabili clade. Tum igitur Augustinus, & ipse communis periculi particeps, B. Mariæ Lauretanæ implorauit opem. nec frustra. Illi subita parietis ruina obruto, vestimentis dilaceratis, summa duntaxat cutis perstringitur. Ita omnium opinione mortuus, repente B. Mariæ præsidio exsistit incolumis. Cuius incolumitatem illustriorem fecit aliorum, qui par discrimen subierunt, fæda ac miseranda mors.

*Nauta amissa naui, B. Virginis ope seruatur,  
Cap. VI.*

*Ann. Laur.  
Riera.*

**N**EC minor in maris tempestate sedanda, quam in terræmotu B. Virginis Lauretanæ vis exstittit. Sardus erat quidam Nauarchus peritus, & grauis. qui è Constanti-

stantinopoli onustam mercibus adducebat nauim. Hęc anno huius seculi LX. ipso peruigilio S. Andreæ Apostoli, cum iam Miletus Asiae minoris Vrbs in conspectu esset, repente aduersa tempestate iactata, & validis verberata fluctibus fatiscere demum cœpit. Præcisa erat portus ca piundi spes: & iam magis ac magis dehiscens carina vber- tim admittebat aquam. Ergo Nauarchus, nautæque hu- mana ope damnata, Virginem Lauretanam inuocant sup plices. Nec surdis auribus adhibitæ preces. Iam prope erat, vt nauis paulatim demersa hauriretur fluctibus, cum nautis, vectoribusque veniam exposcentibus à Deo, Dei- paræque auxilium certatim implorantibus, repente inter nocturnas tenebras lux coelestis affulxit, que trepidis, & animos addidit, & viam ostendit salutis. Protinus sca pham vident in medijs fluctibus pene immotam stare, ve- lut ad effugium diuinitus paratam. Itaque cuncti ea strenue conscientia, cœlestem lucem præeuentem, quasi Ducem itineris sequuntur, Lauretanam esse Virginem rati. Pau lulum prouecti erant, cum respectantes, nauim quam re liquerant, haustam fluctibus cernunt. Deo igitur Dei- que parenti gratias, laudesque iterantes, cœlestis luminis ductu in Adriaticum sinum deferuntur: ac tandem Italiae oram legentes Anconæ portum capiunt, ipso Apostoli An dreæ solemni die. In terram egressis haud minori mira culo itineris celeritas, quam Duci benignitas fuit. Com pertum quippe est paucarum horarum spatio millia pas- suum amplius mille scapham peruolasse. Itaque è vesti gio Lauretum profecti, sacrificque mysterijs rite expiati. Deiparæ Virgini vota exsoluunt, miraculum enunciant, predicanque.